



Hmoob cultural center
995 university st Paul,MN.55104
651-917-99 37. suite. 214

Tshoob kos.

- 1.tus txheej txheem.
- 2.tshoob poj nkauj.
- 3.tshoob poj ntsuam.
- 4.tos niam tais yawm
txiv tuaj tis npe laus
=tus hais thiab sau yog.

=Major.Tougeu Leepalao



18 Xeem hmoob

Hmoob 18 xeem lub hwj chim meej mom uas yog ntuj
seeb teb foom rau noob neej hmoob muaj li nram no.

- 1- xeem lis.....lis tuam thawj (yog hmoob tij laug)
- 2- xeem vaj.....vaj hwj huaj (yog kuab muaj tsuas)
- 3- xeemi tsab.....tsab kav cai (fab tsuam kab tob)
- 4- xeem xyooj...xyooj tsa chij. (fab tswj teb kav chaw)
- 5- xeem muas.....muas tswj hwm (fab kav pej xeem)
- 6- xeem yaj.....yaj nto moo. (phooj ywg thoob plaws)
- 7- xeem thoj.....thoj tuav ruaj.(fab liaj teb,lag luam)
- 8- xeem kwm.....kwm khaws cia.(yog fab nyiaj txiag)
- 9- xeem hawj.....hawj xav tau.(fab kawm ntawv txuj ci)
- 10-xeem koo.....koo xav hais.(fab laj tav haub yaum)
- 11-xeem khab...khab xav kho.(fab txhim kho teb chaws)
- 12-xeem ham.....ham xa xov.(fab xa ntaub xa ntawv)
- 13-xeem lauj.....lauj yeeb yam.(fab yeeb yam tes taw)
- 14-xeem vwj.....vwj xav pab.(fab kev pab cuam)
- 15-xeem phab....phab kav xwm.(fab saib kev ruaj ntseg)
- 16-xeem faj.....faj txoov kav.(fab tswv kav nras)
- 17-xeem tsheej.....tsheej txoov cuam.(fab tswv nroog)
- 18-xeem tswb....tswb maum los. (fab tswv zej,tswv zos)

= 18 xeem yog hmoob hwj chim koob hmoov zoo nyob
lub ntiaj teb no, yog hmoob paub siv hmoob yuav sawv
ciah ib haiv neeg muaj meej mom zoo kawg.

Major. Tougeu leepalao.

Tshoob kos : tshoob tog qws
=tus txheej txheem tshoob tog qws muaj li no.

1-ib tug tub xav yuav nyab nws yuav tsum qhia niam txiv
paub ua ntej saib ces hmoob ntawd puas yog neeg hmoob
zoo los yog hmoob tsis zoo, thaum paub tias yog hmoob
phem ces tso tseg. Thaum paub tias yog hmoob zoo ces
niam txiv tso lus kom mus yuav

2-thaum ntawd niam txiv yuav tsum npaj tej yam txhiam
xws tos nkauj nyab los txog zoo li nram no.

= A-ib tug qaib npaj tseg cia lwm nkauj nyab,yog tsis muaj
qaib xuas hluav taws,nplooj ntoos lwm kuj tau.
B-npaj li \$300 los sis \$340 nrog ib txog siv ceeb.

3-thaum coj nkauj nyab los txog ntawm qhov rooj lawm,tus
tub ua ntej kom nkawd nres twj ywm mam muab tus qaib
los lwm sab xis 4 ncig tig hlo lwm rov sab laug 4 ncig ces
mam cia nkawd los tsev.

= cov lus lwm ntawd hais li nram no :

Sim laud ! kuv lwm no kuv tsis lwm tub nyab plig tub,plig
kiv,plig niam plig txiv,plig nyiaj,plig kub,kuv yuav lwm
dab ntxoog,dab tsov,dab peg,dab ntxaug,qub vij,qub swv
xyob txhiaj pem hwv,lwm poob nthav nraum toj,tu nrho
nraum pes,poob nthav yas kab,tu nrho yas kev,poob nthav
nraum rooj,tu nrho nraum ntsa tsis txoj nkauj nyab qab,tsis
taug nkauj nyab lw,tej no luag tuav ntawv rawv los ua neej

Lawm.ces mam li tig hlo lwm rov sab laug hais tias kuv lwm no,kuv yuav lwm tub nyab los rau hauv vaj,los rau hauv tsev,txiv los txiv coj niam,niam los,niam coj tub,coj kiv,tub kiv los tub kiv coj plig nyiaj plig kub,plig qoob,plig loo coj kev neej kev tsav,coj kev nom,kev tswv los yuav los ua neej ib nqaj kom nto ntuj,ib ploog kom nto ntsis yas zeej kib txoob los laud ! me tub, me nyab auv !!!!

4-thaum nkag kiag los txog hauv tsev lawm tus nyab ces niam coj mus zaum,hos tus tub mas yuav tsum los pe niam pe txiv. Cov lus pe hais li no. khwv koj txiv ov ! hnub no kuv mus txob tau plaub tau ntug,tau nyab los rau koj ua txiv leg xwb laud! Khwv koj niam ov! Hnub no kuv mus txob plaub,txob ntug los rau koj ua niam tau kev txhawj xwb laud!

5-thaum no thov ob tug mus fi lub xov rau niam txiv paub. Cov lus thiab tej txhiam xws muaj li no. ib txog siv ceeb khi Ob lub pob rau ob tog,ib lub pob khi li \$10,00. 2 lub yog \$ 20,00 cov no yog fi xov \$200,00 yog niam lub qe,txiv lub qe,\$60,00 los sis \$100,00 yog niam hlob txiv hlob,niam ntxawm,txiv ntxawm,nus tij,nus kwv muam phauj yawg laus tug (ntaus tsiaq tsis paub faib hno) ib leeg ib kab yeeb xwb,\$20,00 yog tus tsawb tshoob,tsawb kos tug.

6-thaum ob tug mus txog tom niam txiv qhov rooj tag yuav tsum noog tias:nej puas caiv tsis caiv ? luag teb tias: peb tsis caiv los tsev os ! luag qhib qhov rooj kiag yus mam nkag mus hauv tsev thaum mus txog ntua ntawm

tag,yus ob tug cia li pe kiag hais li no: thov ceeb toom niam txiv paub, tus yawg (K) tus tub hu ua (L) tuaj coj tau niam txiv tub ntxhais hu ua (M) mus lawm es niam txiv tom ub thiaj li thov wb ob tug tuaj thoob lub xov rau niam txiv paub no.tib los lus hais tas nrho, niam txiv poj koob yawm koob,niam hlob txiv hlob,niam ntxawm txiv ntxawm,nus tij,nus kwv ncej dab ncej qhua huv si ces pe kiag ob pes ua ke xwb.

7- thaum no mam mus tsab luam yeeb rau txiv ua tus txais.cov lus tsab yeeb hais li no: kab me no rau txiv,kab no rau niam kab no rau poj koob yawm koob,kab no rau niam hlob,txiv hlob,kab no rau niam ntxawm txiv ntxawm kab no rau nus tij nus kwv,kab no rau muam phauj yawg laus.thaum no mam li rov tsab dua ib kab rau txiv ces mam tsa ncauj hais tias: ab! Hais rau koj ua niam,ua txiv paub tias: niam txiv tom ub tub tuaj coj tau koj tub koj ntxhais lawm luag hais tias: lub hnub tsis zoo twb lub hli niam txiv tom ub tsis zoo tuaj twb niam txiv,niam txiv tom ub thiaj thov wb ob tug tuaj thoob lub xov rau koj ua niam,ua txiv tau paub no,yog li wb thov koj zam lub txim thiab ua li wb muaj lus nrog koj tham puas tau ? los sis tseem tshuav tus tsawb tshoob tsawb kos coj plaub tsaws ntug koj ho xav kom wb mus raws tuaj los koj ho qhia wb es wb ho mus raws tuaj. Thaum hais li no tag ces yog luag kom yus mus raws tus twg ces yus yeej yuav tau mus raws tuaj xwb.

8-thaum yus ob tug mus txog tom tus neeg ntawd tsev, yus tsab ib kab yeeb rau nws xwb ces cia li tsa ncauj hais li no rau nws. Ab ! tsis muaj tus lus dab tsis,tab sis yog niam txiv tom ub tus tub hu li no ho tuaj coj tau niam txiv tom no

tus ntxhais hu li no mus lawm es niam txiv tom ub thov wb ob tug tuaj fi lub xo rau niam txiv tom no paub no, es wb tuaj txog tim niam txiv tsev, niam txiv hais tias: tseem tshuav koj tus coj tshoob tsaws kos, kom wb tuaj raws koj mus txog tso muaj lus dab tsis los mam tham no. yog li wb muaj lus ua tsaug thov koj nrog wb mus tim niam txiv tsev es muaj lus nrog niam txiv sib tham no,hnub qab nram ntsis wb yuav nco koj tus txiaj tus ntsig.ces yus ob tug sawv tsees mus pe luag. Cov lus pe hais li no: khwv koj mog, yuav vam khom koj mus pab laj niam,laj txiv kom tau txoj kev neej,kev tsav xwb laud

9- thaum tuaj txog hauv niam txiv tsev lawm ces yus cia li tsab luam yeeb kiag rau nws xwb. Kab me no rau txiv,kab no rau niam,kab no rau poj koob yawm koob,kab no rau niam hlob,txiv hlob,kab no rau niam ntxawm txiv ntxawm,kab no rau nus tij nus kwv,kab no rau muam phauj yawg laus,kab no rau tus tsawb tshoob tsawb kos coj plaub tsaws ntug, ces cev kiag ib kab ntxiv hais tias; txais kab me no thiab Ces muab kiag txoj siv ceeb los cev kiag rau tus neeg Uas yus tos nws tuaj ntawd,tsa ncauj hais li no. hais rau koj tias niam txiv tom ub tus tub hu li no coj tau niam txiv tom no tus ntxhais hu li no mus lawm es niam txiv tom ub thiaj thov wb tuaj fi lub xov rau niam txiv tom no paub es kom niam txiv tsis txhob mus nrhiav chaw ua qav ua num,niam txiv tub ntxhais mus nyob muaj chaw lawm no. ces yus tuav Rawv txoj siv ceeb hais tias: qhov me no yog thoob lub xov rau niam txiv hlob, niam ntxawm txiv ntxawm, nus tij nus kwv muam phauj yawg laus paub no. muab kiag \$200 cev kiag rau hais tias: qhov me no yog ib lub qe rau niam,ib

lub qe rau txiv. Muab kiag \$70 los sis \$100 cev kiag rau hais tias: luag hais tias: ntaus tsiag tsis paub faib hno,qhov me no yog niam hlob txiv hlob,niam ntxawm txiv ntxawm,nus tij nus kwv muam phauj yawg laus, cuag li twb muab tsis taus ib leeg ib lub qe, tsuas yog ib nyuag kab yeeb ua lub ntsej muag luag xwb. Muab kiag \$20 cev kiag rau hais tias: qhov me no yog tus coj tshoob tsaws kos raws raws nce toj nqis taug twb muab tsis taus ib lub qe, tsuas yog ib kab yeeb xwb twb tsis raug ntsejraug muag los thov zam lub txim ntau ntau.

10- thaum no ces sawv tsees mus pe.cov lus pe hais li no: thov txiv ov! Niam txiv tom ub tub tuaj coj tau niam txiv tom no ntxhais mus lawm, es niam txiv tom ub thov wb tuaj thoob lub xov rau niam txiv tom no paub, kom niam txiv tsis txhob mus nrhiav chaw ua qav,ua num, niam txiv tub ntxhais mus nyob muaj chaw lawm no.. ces pe niam,pe txiv,pe poj koob yawm koob, niam hlob txiv hlob,niam ntxawm txiv ntxawm,nus tij nus kwv, muam phauj yawg laus hais tib yam nkaus xwb. Thaum pe tag rov los zaum ntua ces tsa ncauj hais tias: hais rau niam,rau txiv. Niam txiv tom ub hais tias: yog puv 3 hnub txawm muaj qa muaj num los thov niam txiv muab tso tseg es niam txiv nrhiav ob tug laus neeg nyob hauv tsev tos, niam txiv tom ub yuav tuaj nrog niam txiv tom no ntsuas dej,ntsuas txhuv,ntsuas tshoob,ntsuas kos, tis txoj kev neej, kev tsav kom tau ntoj ib txhiab,thuv ib txhis no

= zaum ntua yog luag tsis noog ces cia li ua tsaug los tsev xwb, yog luag noog no ces mam qhia hais li no.

=hais rau niam,rau txiv. Yog muaj nus tij nus kwv niam laus,niam hluas xav txoj tub ntxhais qab,taug tub ntxhais lw no ces kom mus rau tom lub tsev N.00 tus xov tooj. 000-00.00. qhia kom meej tseeb rau luag tas ces ua luag tsaug rov qab los tsev xwb. Cov lus ua tsaug hais li no. tsaug mog niam txiv ! ntuj tag hmo tuaj txhob txhob xeeb niam txiv xwb.

11- nkauj nyab los nyob puv 3 tag kis ces npaj hu plig muaj: 2 tug qaib,ib ntig txhuv, 2 lub qe,ib tug xyab hu nkauj nyab thiab tus tub nkawd plig. Ces npaj thov neeg mus hais tshoob. Cov neeg yuav mus muaj li no. 2 tug meej koob, ib tug phij laj,ib tug niam txais ntsuab nrog nkauj nyab nraug vauv.Thaum thov tau li no lawm ces rub cov neeg no los zaum rooj ce ib leeg ib khob cawv ces mam tsa ncauj hais tias: yuav vam neb ncauj,neb lus mus pab ua tsuas,ua qws mus laj,mus tav pab chawj niam,chawj txiv kom tau txoj kev neej,kev tsav xwb. Rauj qws ces yuav raug neb,tus roj ntshav ces peb ua niam ua txiv ua tus ris tsuav tau tshoob tau kos,tau kev neej kev tsav xwb. Hais li no tas ces muab lub kaus cob rau tus tuam meej koob. Yog txawj hais zaj tshoob ces hais ib zag tas mam muab kaus cob rau nkawd. Thaum ob tug meej koob txais tau lub kaus ces nkawd mam hais ib zag zaj tshoob tas ces nkawd mam coj tus nraug vauv los pe niam,pe txiv,pe poj koob yawm koob niam hlob txiv hlob,niam ntxawm txiv ntxawm, pe ib tsoom laus neeg tuaj saib tshoob tas ces mus xwb.

Cov khoom coj mus muaj li no: 2 tug qaib ntim su,2 tug qaib qhia tsiaj, ib tug qaib ib hwj cawv npws poj yawm tom ub,ib tug qaib ciaj ua qaib dab nrog ib rab riam, muaj txhuv,ntsev,roj,luam yeeb cawv nrog .

12- thaum mus txog tom ib tog kev ces so noj sus tus tuam meej koob muab ib qho mov,ib ntshi nqaij,ib khob cawv coj los nqua hu poj yawm txwv txaob,tim tswv teb chaws tuaj nrog noj,nrog haus,thov kom mus kaj,mus huv xwb, ces tus meej koob mam muab ob tug qaib coj los dua faib rau suav daws noj, muab ob tug ncej puab rau nkauj nyab thiab niam txais ntsuab noj. Yog txawj zaj mas thaum hu poj yawm luag hais zaj xwb, yog tsis txawj los tsis ua cas.

13- thaum mus txog tom niam txiv qhov rooj tag ces mam hu tias: nej puas caiv tsis caiv ? luag teb tias: tsis caiv os ! los tsev ! mam nkag kiag mus hauv tsev txo nra kiaq tag nrho ces tus tuam meej koob tuav rawv lub kaus saw ntsug ntawm tag hu kiag nraug vauv thiab phij laj los pe pom niam,pom txiv,poj koob yawm koob,niam hlob txiv hlob,niam ntxawm txiv ntxawm,nus tij nus kwv, muan phauj yawg laus .cov lus pe hais li no: thov niam,thov txizam lub txim rau nraug vauv thiab,nraug vauv coj nian txiv tub ntxhais mus lawm ntev niaj ntau hnub,tsis muaj tu pab niam,pab txiv cuag li dam daws niam txiv ib txhai npab. Hais li no tas ces yus tus meej koob mam li nug tias ab! Luag hais tias: rab teb tsa txuj,xav noog koj ua txiv sai lub kaus yuav khuam rau qhov twg ? thaum no niam txi mam teb tias: kuam qhov twg los tau" yus mam nqa mu khuam rau sab pem hauv plag, ces mam los zaum nrog luatham.

14- thaum no tus tuam meej koob mam li muab luam yee coj los tsab rau niam txiv.cov lus hais li no: kab no ra txiv,kab no rau niam,kab no rau poj koob yawm koob,ka

no rau niam hlob txiv hlob,kab no rau niam ntxawm txiv ntxawm,kab no rau nus tij nus kwv,kab no rau muam phauj yawg laus, ces mam li tsab ib kab ntxiv rau txiv ces mam tsa ncauj nug tias: luag hais tias: niam txiv tom ub tau niam txiv tom no ib tug ncej neeg coj mus cheb qab yiag to,qab plag xua qawj,niam txiv tom ub thov wb ob tug tuaj nrog niamtxivtomnontsuas dej,ntsuas txhuv,ntsuas tshoob,ntsuas kos no es xav nug koj ua niam txiv saib ob tug laus neeg yuav los zaum rooj ntawd puas tau lawm los sis tsis tau ? yog tias tau lawm no yog leej twg ? hos yog tseem tsis tau tau no saib yuav thov leej twg koj ua txiv ho qhia wb es ho kom nraug vauv mus pab thov tuaj. Thaum no saib niam txiv teb li cas xwb. Yog luag kom yus mus thov los yus yeej yuav tau mus xwb, yog luag tsis kom yus mus ces yus nyob tos xwb.(tus kev cai mas niam txiv txhob txib luag mus thov los sis mus raws tuaj,vim tsis yog luag hauj lwm, yog niam txiv hauj lwm xwb)

15-thaum no yus zaum nrog luag tham pem ib me ntsis,yus pom neeg tuaj zaum zom zaws ces yus rov nug niam txiv tias: ua li ob tug laus neeg zaum rooj tuaj lawm los tsis tau ? yog tuaj lawm ces niam txiv qhia yus tias: ob tug zaum rooj yog ob tug no. ces yus mam mus tsab luam yeeb ib kab rau tus laus neeg ntawd ces yus tsa ncauj hais tias: xav qiv niam txiv ib lub rooj los siv." Ces nkawd mam mus nug niam txiv tias: qhua yuav qiv ib lub rooj siv no, saib yuav muab lub twg ? niam txiv qhia nkawd tas ces nkawd mam los qhia yus ob tug meej koob hais tias: niam txiv kom muab lub ntawd siv no. thaum no yus mam li mus muab lub rooj coj los teeb rau tom tag yus mam mus rub nkawd tes los zaum tuaj sab pem toj,yus ob tug meej koob vauv tog

mam li ce 4 khob cawv rau tuam meej koob lwm meej koob tom no, thaum no ob tug meej koob mam cev ib leeg ib khob cawv rov rau Ob tug meej koob vauv tog ces yus ob meej koob vauv tog mam coj nkawd haus lwm cawv tag, ces yus mam rov qab ce kiag rau nkawd ces yus mam li hais tias: **mam li hais tias:** hais rau neb ob tug kwv luag tav no niam txiv tom ub tau niam txiv tom no ib tug ncej neeg coj mus ua neej cheb qab yias to qab plag xua qawj, niam txiv tom ub tom no thiaj thov peb plaub tug meej koob tuaj ua ncauj,ua lus,ua xov ntxiv,xov xaws xwb,luag luag ib tog tau nyiaj,ib tog tau neeg peb tsuas ua luag cwj nrig dhau dej, ua luag dhau zoov xwb, yog li neb txhob tso wb tseg,wb yog ob tug tuaj sab nraum ces cia wb ua me nyuam es neb ua niam,ua txiv neb coj li cas los wb ua li ntawd xwb wb yuav nco neb tus txiaj,tus ntsig lawm 120 xyoo yav tom ntej no. thaum ob tug meej koob tom ub hais li no tas ces ob tug meej koob niam txiv tog teb tias: zoo lus kawg, tab sis luag hais tias: qhua tuaj qhua hlob,siab xav mas xav cia neb ua niam ua txiv no laud ! tab sis yog neb ho hais li los cia wb ua niam neb ua txiv los sis neb ua niam wb ua txiv los tau. Ces yus mam teb tias: yog li ces cia neb ua txiv es wb ua niam no laud, hais li no tas ces haus cawv, kab khob.

16-thaum no mus ces muab lus li no.sab khob cawv rau ces hais li no: hais rau neb ob tug kwv luag xyuam tsis nyog lub laj khwv los neb nyob niam txiv tawb quaj xws niam txiv noog,nyob niam txiv tsev hais xws niam txiv lus,neb pab coj lus rau niam txiv saib ua li niam txiv tub ntxhais nrog niam txiv nyob puas muaj muam phauj yawg laus cuam tshuam los tsis muaj,yog tias muaj los thov niam

txiv txwm kav phua phlawv los,nraug vauv yog tog tau neeg tsuas muaj yuav chawj,yuav thov xwb,hos yog tsis muaj los thov niam txiv yeej meem phua phlawv los nraug vauv tsuas muaj nqa tes ua niam txiv tsaug ntau ntau hais li no xwb ces yog muaj ces txaus thov yuav tau thov,txaus kho yuav tau kho kom tag mam li hais mus.

17-rov sab khob cawv ces tsa ncauj hais li no: neb ob tug kwv luag,xyuam tsis nyog lub laj khwv los neb pab mus ntxig nug rau niam txiv saib ua li ob tug tub thoob xo puas hais meej los tsis meej ? los sis ho tuaj hais siab niam siab txiv lawd los thov niam txiv yeej meem phua phlawv los,nraug vauv yog tog tau neeg tsuas muaj yuav chawj,yuav thov xwb. Hos yog tias ho tsis muaj los thov niam txiv yeej meem phua phlawv los nraug vauv tsuas muaj nqa tes ua niam txiv tsaug ? thaum no ob tug meej koob hais tias: ua siab ntev tos. Yus teb tias: neb laj khiav mog."Thaum nkawd mus rov los ces muaj lus dab tsi los luag yeej yuav muab rau nkawd rov los hais xwb.

18- sab khob cawv rau nkawd ces tsa ncauj hais tias: hais rau neb ob tug kwv luag,xyuam tsis nyog lub laj khwv los neb rov mus ntxig nug niam txiv saib luag hais tias nyuag lus dua lus dim lus siab lus qis,lus txheej,lus xuam nram ntej nram ntxov puas muaj los tsis muaj? Yog tias muaj los niam txiv txwm kav phau plhawv los nraug vauv yog tog tau neeg tsuas muaj yuav chawj,yuav thov xwb. Yog hais tias ho tsis muaj los thov niam txiv txwm kav

phua plhawv los nraug vauv tsuas muaj nqa tes ua niam txiv tsaug xwb no laud ! thaum hais li no tas ces nkawd teb tias: laj tos mog ! yus teb tias: neb laj khiav ov ! nkawd mus rov los yog niam txiv tsis zoo siab qhov twg ces txaus kho los yuav tau kho,txaus thov los yuav tau thov txaus lav los yuav tau lav kom tas plaub tas ntug.

19-rov sab khob cawv rau ces tsa ncauj hais tias: neb ob tug kwv luag! Xyuam tsis nyog lub laj khwv los neb pab rov mus ntxig nug niam txiv saib puas ho tshuav nyuag lus xaiv,lus ncua,lus siab,lus qis lawm los tsis tshuav tshuav ? yog tias tshuav los niam txiv txwm kav phua phlawv los,nraug vauv yog tog tau neeg ces tsuas muaj yuav chawj yuav thov xwb,yog tias ho tsis muaj los niam txiv txwm kav phua plhawv los nraug vauv tsuas muaj nqa tes ua niam txiv tsaug thaum hais no tas ces, tej zaum mas luag rov qab mus luag cia li hais tias: ob tug kwv luag, txawm mus cuag niam txiv los xws li niam txiv yuav tsis muaj dab tsi lawm, es yog neb muaj lus dab tsi los ho tham tuaj,hos yog neb tsis muaj lus lawm no los peb nrhiav chaw so los tau. Nqe no ces tas li no.

20-rov sab khob cawv rau nkawd ces hais li no : ob tug kwv luag ! tus lus sam mas hais li no, neb rov mus ntxig nug rau niam txiv saib ua li nyuag nqi mis, nqi hno nqi tu da quav,da zis niam txiv ho xav sau li cas los niam txiv yeej meem phua plhawv los,nraug vauv yog tog tau neeg txawm hais tias nyhav los yuav ua ib tsuag ris sib los yuav ua ib tsuag nqa no laud ! ces thaum no nkawd mus rov

tham, niam txiv xav nrog nraug vauv thov niam lub khaub tshos, txiv lub khaub tshos xav thov tsho txooj no, tsis tas li niam txiv xav nrhiav kev ntoj, kev thuv rau nraug vauv thiab no, xav rau 3 me ncos xws li. 1 yog nus tij. 2 yog cob txheeb. 3. yog nus npaws, thaum no ces yam txaus thov kom luag luv me ntsis los yuav tau thov thiab, yam raug cai lawm lawm ces cia li them xwb.

21-thaum no ces ob tug meej koob hauv tsev txawm li no : ab ! neb ob tug kwv luag niam txiv hais li no: (1) luag hais tias qhua tuaj qhua hlob saib neb yuav phim nees eeb los ntsia nees tsav ?

(2) niam txiv hais ntxiv tias: xav kom peb 4 tug meej koob sib qiv siv sia no. thaum no ces yus ob tug meej koob teb tias: niam txiv hais los yog niam txiv lus qhua tuaj los tsuas yog lub koob hlob xwb. Hais txog ntawm qhov phim nees eeb ces niam txiv nraug vauv hais tias: nees eeb los phim tsis taus, nees tsav los ntsia tsis taus, tsuas yog pab cheb me ntsis pluas play xwb. hos ntawm qhov sib qiv siv sia ces, niam txiv nraug vauv xav tias yog niam txiv tom no kam no ces cia nyias ntiav nyias dab, nyias xa nyias dab xwb no, tab sis yog niam txiv siab tsis kheev tiag los yuav tau sia thiab", hais li no tas ces muab \$5,00 los nias rooj xwb. Hos qhov sia siv mas yog luag muab li \$ 40.00 mas yus tog vauv muab li \$ 80.00. ces ob tug meej koob hauv tsev tau \$ 80.00. hos ob tug meej koob nraug vauv tau \$40.00 xwb.

22-thaum no rov qab sab khob cawv rau ob tug meej koob ces tsa ncauj nug tias: ob tug kwv luag xyuam tsis nyog lub laj khwv los thov neb pab mus ntxig nug rau niam

\$40,00 mas yus tog vauv muab li \$80,00. ces ob tug meej koob hauv tsev tau \$80,00 hos ob tug meej koob nraug vauv tau \$40,00 xwb.

22-thaum no rov qab sab khob cawv rau ob tug meej koob ces tsa ncauj nug tias: ob tug kwv luag xyuam tsis nyog lub laj khwv los thov neb pab mus ntxig nug rau niam txiv saib ua li ntawm nyuag nqi mis nqi hno niam txiv xav sau li cas ? los niam txiv yeej meem phua phlawv los nraug vauv yog tog tau neeg, txawm tias hnyav los ua ib tsuag ris, sib los ua ib tsuag nqa. Ces ob tug meej koob mus cuag niam txiv rov los saib luag sau ntau los tsawg mam sib thov(tus yuav muaj cai yuav, tus thov muaj cai thov ib yam) hais haum ces mam rho nyiaj los them

23-thaum no mam li rov sab khob cawv rau ob tug meej koob ces tsa ncauj hais tias: hais rau neb ob tug kwv luag, xyuam tsis nyog lub laj khwv los neb pab mus ntxig nug rau niam txiv saib, ua li qhov noj haus niam txiv ho yuav noj haus li cas ? raws li niam txiv nraug vauv siab mas xav tias: cia niam txiv nraug vauv tuaj npua dawb es niam txiv tom no ua tau li cas los noj li ntawd, hos niam txiv ib pluag mov dej txias tsa nraug vauv sawv kev xwb los tsis tu siab dab tsi li

thaum hais no tas ces saib niam txiv ob tog tham haum li cas? Ces mam ua li ntawd xwb. thaum no mam muab cov qaib qhia tsiaj, qaib dab, qaib npws poj yawm, roj ntsev, luam yeeb, txhuv los cob rau ob tug meej koob hauv tsev tas ces mam li noj qaib qhia tsiaj yog txawj zaj ces mam los sib hais zaj, hos yog tsis txawj ces cia li muab txhoov los noj xwb.

24-hais txog noj haus mas zoo li piav nram no :

=thaum npaj tau nqaij hno,dej cawv txhij lawm ces los rub rooj rau mam rub kev neej,kev tsav los zaum tag ces tus thawj com mam ceeb toom suav daws haus cawv raws li tus txheej txheem tshoob kos.

- (A) haus niam txiv tom no tus cawv tos qhua.
 (B) haus niam txiv tom no tus cawv mov dej txiag
 (tus cawv no nraug vauv tog ua niam txiv tsaug)
 -cov lus ua tsaug hais li no," tsaug mog txiv tuam
 meej koob,niam txiv tom no ua muaj kab,muaj kev tos
 niam txiv tom ub ua tsis muaj kab muaj kev tuaj
 tuaj noj tuaj haus niam txiv tom no xwb.tus teb tias:
 tsaug dab tsi,niam txiv tom ub ua muaj kab muaj kev
 tuaj,niam txiv tom no ua tsis muaj kab muaj kev tos
 txhob ua tsaug nkim los tsaug xwb mog.

25-thaum no ho pib noj haus qhua rooj.

- (A) haus tus cawv poob plag.
 (B) Haus tus cawv txheeb qhua,cawv sam tsum.
 (C) Haus tus cawv luam xim.
 (D) Haus tus cawv piam thaj,pom neej,pom tsav.
 (E) Haus tus cawv piam sam cawv nkaw lus
 (tus cawv luam xim mas niam txiv ua tog vauv tsaug)
 cov lus ua tsaug hais li no. tsaug mog niam txiv nraug
 vauv es ! niam txiv tom ub ua muaj kab,muaj kev
 tuaj,niam txiv tom no twb ua
 tsis muaj kab muaj kev tos,niam txiv tom ub ris nqaij,ris
 hno,ris dej ris cawv tuaj rau niam txiv tom no noj quaj
 npws haus quaj npo tseg niam txiv tom ub tu niam txiv
 tom ub siab mog. Tus teb hais li no: tsaug dab tsi ! niam

txiv tom no ua muaj kab muaj kev tos,niam txiv tom ub
 twb ua tsis muaj kab muaj kev tuaj, tsuas kwv taws tuaj
 ib niam txiv ntsa tuaj ua niam txiv poov xwb txhob ua
 tsaug nkim lo tsaug xwb mog ua ywm noj.

26-tus cawv piam thaj mas muaj li no.

-tus thawj com ce cawv rau 4 tug meej koob ces nws hais
 tias: nej 4 tug meej koob luag hais tias tav no nej muaj
 zoo nyuj los yeej meem muab los laij,muaj zoo dej zoo
 cawv los yeej meem haus,muaj zoo neej zoo tsav los yeej
 taug no mog, thaum no ces ob tug meej koob tom no
 muab lub kaus nrog 2 khob cawv cev rau meej koob tom.
 ub ces hais tias: ab ! yog neb nyuj ces neb laij saib puas
 nrog kab tso wb mam laij, tsam no meej koob tom ub
 mam txais lub kaus los tuav mam li hu nraug vauv thiab
 tub phij laj los sawv sab nram hav meej koob mam coj
 nkawd pe.cov lus pe hais li no
 nrog niam txiv xyuam tus lis (xyuam lub hlis) nrog poj
 koob yawm koob xyuam tus lis,nrog niam hlob txiv hlob
 xyuam tus lis,nrog niam ntxawm txiv ntxawm xyuam tus
 lis,nrog nus tij nus kwv xyuam tus lis,nrog muam phauj
 yawg laus xyuam tus lis,nrog txiv tuam meej koob tom
 no xyuam tus lis,nrog txiv lwm meej koob tom no xyuam
 tus lis cov lus teb hais li no: sawv laud! Kiab kiab kaig
 kaig niam mloog txiv qhuab,txiv mloog niam hais niam
 nc oo txiv puab,txiv nc oo niam pu,niam mloog txiv qhuab
 txiv mloog niam hu mog. thaum no tus meej koob tom
 ub mam muab lub kaus cev kiag rau tus tuam meej
 koob tom no ces hais tias: nyuj seej seej li es neb
 ob tug yeej meem coj nraug vauv muš pom neej,pom
 tsav kom txhij txhua,yeej meem laij ntag,pom xeeb tuaj

nrhiav neej nrhiav tsav. Thaum no ces ob tug meej koob tom no mam li coj nraug vauv pe mus. Thaum pe tas lawm ces tus nus tij mam coj nraug vauv los sib zeem haus cawv. cov lus zeem hais li no: nus tij.hais tias: yawm yij thaum koj tsis tau yuav kuv nkauj,kuv muam ces wb sib ntsib yas kev,yas ncua koj hu kuv los hu tsis muaj npe,kuv hu koj los hu tsis muaj npe txij no mus mas koj tau kuv nkauj kuv muam lawm mas wb yog kwv yog tij lawm,mas kuv yuav hu koj ua yawm yij no, koj yuav hu kuv ua dab laug no, yog kaj ntug tag kis koj ntsib kuv yas kev yas ntsua koj hu kuv tsis muaj npe no kuv yuav loj zog koj npab ntug koj txhob tu siab no mog yawm yij ! zaum no mus ces koj yog kuv yawm yij,kuv yog koj dab laug no. hais li no tas ces dab laug haus cawv tas ces mam ce rau tus yawm yij haus,tus yawm yij kuj hais ib yam li dab laug hais xwb.

27-thaum no ces yuav pib tus cawv nkaw lus
 thawj com mam los ce 4 khob cawv rau 4 tug meej koob ces thawj com hais tias: nej 4 tug meej koob nej coj kev neej,kev tsav haus niam txiv ib tug me cawv piam sam cawv nkaw lus no"yog niam txiv muaj zoo lus los hais tau no.thaum no niam txiv tus twg los hais los tau. Cov lus yuav hais muaj li no :

1-hais rau neb ob tug meej koob luag hais tiastsis thov zog ces yog dev npua zog,thov zog ces yog nyiaj kub zog,niam txiv txawm muaj lus nyhav lus sib los neb pab coj mus kom) txog niam txiv tom ub no mog. Luag hais tias niam txiv tom ub yuav tub yuav nyab,niam txiv nyiaj txiag tuaj lawm nqha nas tsiaj txhu tuaj lawm nqha nkauj

niam txiv muas hub tsis muas zes tsuas muas tau nkauj nyab plaub txhais taw tes xwb tsis tau tus dab tsi no,yog niam txiv xav kom tau nyiaj qab nas,tsoos qab pha,tau nyuj phij cab,nees phij cuam,txaus txiv nyuj thauj, txiv nees ris ces niam txiv mus yuav nkauj nom, nkauj tswv thiaj tau no, niam txiv ntshaw raug peb nkauj hmoob xib taws daj ces tsis tau tus dab tsi los niam txiv tom ub tsis txhob tu siab no auv !

(2) **nqe ob niam txiv hais li no:** tav no niam txiv tub ntxhais,niam txiv ciaj toog tais tsis taus thiaj tso rau niam txiv tom ub ciaj hlaus tais, niam txiv yias tooj hau tsis taus thiaj tso rau niam txiv tom ub yias hlau niam txiv tub ntxhais qua tsis tau rau hauv vaj,hauv tsev thiaj muab qua rau niam txiv tom ub,niam txiv tub ntxhais nrog niam txiv nyob hlob cev tsis hlob siab,txawj noj tsis txawj ua,txawj hnav tsis txawj xaws,yuav noj tseem tos niam txiv txib ua thiaj tau noj,yuav hnav tseem tos niam txiv xaws thiaj tau hnav." Tav no muab cob yij,cob lwm rau niam txiv tom ub coj mus ua neej, luag hais tias qab hlua ces yog niam txiv tom no tuav, hauv hlua ces muab rau niam txiv tom ub tswj, nraug vauv coj mus tub ntxhais tsis txawj ua noj ua haus los niam txiv tom ub ub yeej meem qhuab,yeej meem qhia coj ua noj,ua haus kom xws teb,xws chaw,ib hnub niam txiv yuav txib 9 lwm 10 lwm los tsuav yog txib kev ua noj ua haus,niam txiv tom no tsuas muaj zoo siab xwb,nyob li lub cubtawg niam txiv tsuas muaj yuav tsij mus ntxiv xwb,yog tub ntxhais mus,niam txiv tom ub txib kev ua noj ua haus xws teb xws chaw xwb, tub ntxhais tsis mloog tsis ua muaj lus twv poj,twv yawm,twv tub,twv roog, ua tooj, ua hlau, niam txiv tom ub yeej meem coj tuaj rau niam

txiv neej nus tom no hais, yog niam txiv neej nus hais tsis tau,hais tsis mloog niam txiv tom ub tes nyiaj txiag nyob qab tsuas qhuav txiv las npua rog pw ko nram nkuaj ntag no auv !

(3)-seem lus theem 3 niam txiv hais li no :

tay no tub ntxhais muab cob yij,cob lwm rau nraug vauv coj mus ua neej, yog tias tub ntxhais mus nws tsis txawj,tsis paub kev ua noj,ua haus nraug vauv niam txiv tom ub tsis qhuab,tsis qhia,tsis txib,tsis hais, lus qhuab.qhia muaj ntwb,muaj ntau ho tsis txib,tsis hais, tsuas yog muab lus ciav lim cem tub ntxhais twb neej twb tsav cem hais tias: niag txaij tes,nyuag txaij taws niam ua ntej ntxhais raws ntsaws nplooj yoog kav,noob yoog tsav,nplooj yoog ko noob phlis phlo, yog tau dab ces ua huab phaj xa yuav tau,zaum no tau neej ces yuav laj tis yug laus," yog niam txiv tom no txawb tsis muaj qab nqa tsis muaj tes los tseg, yog niam txiv tom no txawb muaj qab,nqa muaj teg, rub nyog vum tsheej tim vum khawv,vum khawv tim xab ceeb tooj nyog npab tuav nyog tes, ntshe niam txiv tom ub tes nyiaj txiag yuavtsis nyob qab tsuas qhuav,txiv las npua rog yuav tsis nyob nram nkuaj no auv !

(4) seem lus nqe 4 niam txiv hais li no.

tay no tub ntxhais muab cob yij,cob lwm rau nraug vauv coj mus ua neej,luag hais tias: yog nws thoob nws thi,yog nws phav nws npuj,yog nws poj nce toj nws yeej meem soj,yog nws sev nqis hav nws yeej meem kav,nws coj ua noj ua haus kom xws teb,xws chaw yog hais tias: nws coj mus tub ntxhais tsis tsheej,tsis kiab mus ua plees,ua yi,ua tooj ua hlau, tsis ntshais nraug vauv tes tsis yog vaj,taw tsis yog loog nws muab txab

muab taus tsheej sab,muab txim muab taus tsheej tim, muab txab muab tuaj ntawm npab,muab txeeg muab tuaj ntawm tes,niam txiv neej nus txawm phij cuam tsis taus ib rab ntag ib rab qws los niam txiv yeej phij cuam taus ib nrig ib ncaws taw rau nraug vauv coj mus ua neej no auv

(5) Seem lus nqe 5 niam txiv hais li no :

Tav no tub ntxhais muab cob yij,cob lwm rau nraug vauv coj mus ua neej, yog nws poj nce toj nws tsis soj,yog nws sev nqis hav nws tsis kav coj mus nyob dhuav tsw quav,nyob txaus tsw paus muab tub ntxhais tso phluav rau theeb kab tim puam tsis saib,tsis xyuas, tus tsiaj muab tso rau tom tshav zaub tsis sau los kaw ntev mus tsov yuav tom poj tub se tso plhuav rau theeb kab tim puam tsis saib,tsis xyuas ntev mus yuav mus ua plees ua yi,tsis tas li tseem muaj lus ntxub ntxaug vwb txab vwb liam cuab txab kum hiam,txhub muj tsim txom ua rau tub ntxhais ua lub neej noj hnus ntxuag kua muag tawn rooj plaws ntxuag suab qab quag nrog tauj,nrog tsuag nrog me kab,me noog ua neej xwb, yog niam txiv neej nus tom no txawb tsis muaj qab,nqa tsis muaj tes los tseg yog niam txiv neej nus tom no txawb muaj qab nqa muaj tes Rub nyog vum tsheej tim vum khawv vum khawv tim xab ceeb tooj nyog npab tuav nyog tes ntshai niam txiv neej nus tom no yuav nrog niam txiv tom ub yuav ib txog cai no auv ! neb pab coj lus nraim rau niam txiv tom ub luag hais tias peb hmoob tus plaj tshoob ntsis kos qas txhiab ua qas pua coj qas yeev mus qas yi los yeej hais li no kom kom niam txiv tom ub tsis txhob tu siab no mog

28-thaum no ces saib niam txiv neej nus muaj lus ntuas tus ntxhais li cas ? ces hu tus ntxhais los ntawm lub roo , niam txiv,neej nus muaj zoo lus

ntuas tus ntxhais kev mus ua neej kom coj raws li yus hmoob txoj cai, thaum ntuas tas lawm ces tus cob txheeb los sis nus tij mam muab tej nyiaj txiag tsoos tsho phij cuam cob rau ob tug meej koob tom ub, ces ob tug meej koob mam li ua ob tug meej koob tom no me ntsis tsaug xwb, ces tus tuam meej koob tom ub mam li coj nraug vauv phij laj los pe ua niam txiv neej nus tsaug raws li hmoob kev cai.

=cov lus ua tsaug hais li no : ua niam txiv tsaug luag hais tias: niam txiv tom ub muas hub tsis muas zes tsuas muas nkauj nyab 4 txhais taw tes xwb,niam txiv neej nus tsis cia li tseem muab nyiaj qab nas,tsoos qab pha phij cuam tub ntxhais mus ua neej, yog nraug vauv txawj coj,txawj pus ces plaub qaib yuav ciaj plaub npuas,plaub npuas yuav ciaj plaub nyug, yog nraug vauv tsis txawj coj,tsis txawj pus ntshai yuav muab niam txiv peeve txheej coj mus ua puas tsuaj tas, tseem yuav tuaj lauj niam lauj txiv xwb." Tus teb hais li no : sawv lauj ! niam txiv tom ub muas hub tsis muas zes tsuas muas tau nkauj nyab 4 txhais taw tes , coj cev mus ntim niam txiv tsoos,coj plab mus ntim niam txiv hno xwb txhob ua tsaug nkim los tsaug xwb no mog.

29- thaum no ces ob tug meej koob tom ub sab khob cawv rau meej koob tom no, ces tsa nkauj hais tias: ob tug kwv luag, tav no txog wb caij tuaj ces yuav tuaj,txog wb caij rov ces yuav rov, muaj lus ua tsaug , neb pab muab wb niam nkauj kaus rau wb npab,wb yuav coj

niam nkauj kaus roos nkauj nyab nraug vauv rov fib qab, neb pab muab niam nkauj kaus rau wb tes, wb yuav coj niam nkauj kaus roos nkauj nyab nraug vauv rov fib tsev no laud ! thaum luag muab lub kaus cob rau yus tes lawm ces meej koob tom ub mam li hu nraug vauv thiab phij laj los sawv ntawm tag pe ua niam txiv tsaug.yuav sawv kev rov qab los tsev. Cov lus pe hais li no : ua niam txiv tsaug ! tuaj txhob txhob xeeb niam txiv xwb, twb pab tsis taus niam txiv ib yam dab tsi.cov lus teb hais no : sawv laud! Tuaj niam txiv cem cem, lua lua, yam zoo coj mus kom txog tsev,yam phem muab pov tseg tom kev mog

thaum pe tas ces rov los tsev xwb.

30-thaum los txog ib tog kev los so noj sus, ces tus meej koob laig dab ib yam li thaum tuaj xwb, thaum los txog tom tsev ces muab kaus cob rau niam txiv hauv tsev tas ces zaum so. Thaum no niam txiv mam npaj ib rooj ntxuag los tiam meej koob thiab ua meej koob tsaug, thaum npaj tau li no lawm mam rub meej koob,tub phij laj,niam txais ntsuab nrog kev txwj laus neeg suav daws los zaum, ces mam li haus li plaub tug cawv.

1- haus tus cawv tos meej koob,tub nyab los tsev.

2-haus tus cawv los txog tsev (cawv poob olag)

3-haus tus cawv txheeb qhua,cawv sam tsum.

4-haus tus cawv piam sam cawv muab lus thiab tiam meej koob, phij laj,niam txais ntsuab.

=thaum haus tus cawv tiam meej koob no ces ob tug meej koob mam muab tej nyiaj txiag tsoos tsho uas niam txiv phij cuam coj los qhia rau niam txiv thiab tej lus uas

luag muab los coj los hais huv tib si rau suav daws mloog. Cov lus tiam meej koob thiab pe mas hais li no : khwv koj mog, vim peb yuav tub,yuav nyab,tsis pom qab thov zog thiaj thov koj lub dag,lub zog coj phlu txiaj,phlu ntsig mus ntaiv hnub,ntaiv hli,peb tau tshoob,tau kos rov los txog vaj,txog tsev lawm, yog peb txawj ua neej ces yuav muaj rawg ntxuag pub'. koj khaws,yuav muaj pib deg,pib cawv rau koj deev ncauj. Vim peb tsis txawj ua neej tsis muaj pib deg,pib cawv rau koj haus,tsis muaj tus txuag rau koj khaws tsuas yog thov koj lub zog qhuav qhuav xwb, peb yuav nco koj tus txiaj,tus ntsig mus lawm 120 xyoo no laud
=hais txog txheej txheem tshoob kos ces tas li no

Tshoob poj ntsuam

1- ib tug poj niam mus yuav txiv lawm,tab sis nws tus txiv tau tuag lawm tseg nws nyob tsis muaj txiv

2- muaj ib tug txiv neej xav yuav nws los ua poj niam, tus txiv neej ntawd yuav tsum mus thov ib tug laus neeg uas sem dua cuab yig lawm nrog nws mus hais tom tswv tsab tsev (tswv cuab)

3-thaum mus txog tom tswv tsab tsev lawm,mam nug saib tus coj plaub tsaws ntug yog tus twg ? ces mus raws tus ntawd tuaj hauv tswv cuab tsev, thaum tuaj txog lawm mam li rub ib lub rooj rau ces rub tus thawj coj los zaum ua ntej,mam rub niam txiv los zaum ntxiv rau, ces

mam sab khob cawv rau ces ib leeg ib khob xwb, ces coj lawv haus ib lwm cawv thoob plaws ces rov qab sab khob cawv rau tus thawj coj, hos dua li cov saum rooj ces ce ntxiv rau xwb. **Thaum no mam tsa ncauj hais li no :** ab ! thov zam txim ntawm nej cov ua niam,ua txiv los sis koj tus ua thawj coj, luag hais tias: tav no nej tub tuag pom ntxa ntsoov, tso nej tus nyab no nyob ua txhais yim neeg ib taws sawv tsis ntseg,ib teg npuaj tsis nrov yog li mas tus hluas no nws thiaj li xav tuaj nug nej ua niam,ua txiv los sis koj tus thawj coj saib nej puas muaj chaw theej faj los tsis muaj,puas muaj qhua tauj yas cuam tshuam los tsis muaj yog hais tias muaj lawm no los nws txawj tuaj txawj rov,hos yog tias tsis muaj no ces nws xav saws coj mus ua txij ua nkawm no. thaum no yog luag teb tias: hais txog tus nyab no mas peb tseem yuav txis los sis hmoob twb tuaj hais lawm no ces cia li tso tseg kiag xwb, hos yog luag teb tias peb tsis muaj tus yuav los theej faj lawm no yus mam li pib hais mus nram no.

4- sab khob cawv rau ces tsa ncauj hais li no:

Tav no hais rau koj tus coj plaub tsaws ntug los sis koj tus ua niam,ua txiv, yog tias nej tsis muaj tus yuav los theej faj lawm no muaj lus ua tsaug,thov koj pab mus nug niam saib,nws puas yeem nrog tus hluas mus nyob ua txij,ua nkawm los tsis yeem,yog tias nws muaj lus xyeej tus hluas kab to thuav,kev to tog lawm los peb txawj tuaj,txawj rov, hos yog nws xyeej kab tsis to kev tsis kawg no tus hluas xav saws nws mus ua dua ib lub neej tshiab no."

Ces sawv mus pe ib pes. Thaum no luag mam li mus nug tus niam poj ntsuam nawd. Yog luag rov los hais tias nws tsis yeem no ces tso tseg kiag tsis hais ntxiv lawm. Yog luag rov los hais tias: mus cuag niam los nws tsis muaj lus dab tsi, cav xyeej nej kab tsis to, kev tsis kawg, yog nej nrauj nyog tseg qaug los tseg, yog tias nej nrauj tsis nyog tseg tsis qaug los nej saib xyuas tau no mog.

5-thaum no ces sab khob cawv rau tus thawj coj kiag ces sawv tsees mus pe cov lus pe hais li no. khwv koj mog ! yog niam lus muaj li no xwb no ces luag hais tias. zaum no hauv liaj yog peb xub ncaws nkauj nyab yog peb xub aws nws hmab tu yuav tuaj txuas hmab,nws hlua tu yuav tuaj txuas hlua,yuav saws nws coj mus pheej cuab nce yim kom nws muaj cuab, muaj yig xws teb,xws chaw

6- thaum no ces rov sab khob cawv rau tus thawj coj .ces tsa ncauj hais tias: ua li xav nug niam txiv saib nyuag nqi tshoob kos uas niam txiv tau them yav nram ntej nram ntxov lawd, niam txiv ho yuav xav sau li cas yog luag yuav sau li cas los luag mam hais yus paub,yog tus niam ntawd tseem hluas mas yus yuav tau them luag cov nqi tshoob,hos yog tus niam ntawd twb laus ib nrab neej lawm no nyob ntawm ob tog sib tham(raws tus cai) mas tsis sau nqi lawm tsuas yog kom nkawd pab hlub cov me nyuam thiab niam txiv xwb ces tas li

7- thaum them nyiaj tas, los sis tsis them ib yam, yuav tsum tua ib tug npua ua ib nyuag rooj mov rau suav daws noj tas ces coj poj niam los tsev xwb.

Hmoob txoj cai mas yog tus mus yuav ntawd yog tub hluas no coj poj niam los txog tsev puv 3 hnub hu plig ces daws npe laus kiag thaum ntawd ntag.

8- coj poj niam los nyob ntev li 3 lub hlis los tshaj saum kuj tau nyob ntawm khoom xwb. Ces ho coj poj niam mus zeem neej tsa. Kev mus zeem neej tsa yuav tsum npaj ib rooj mov rau tom neej tsa tsev hu cov neej tsa txheeb ze tuaj koom rooj mov no thaum npaj tau txhij txhua lawm, mam li rub suav daws los zaum saum rooj ces tus vauv los sis yawm yij mam li muab li \$ 200,00 ua ntsej,ua muag rau niam txiv, muab li \$ 200,00 ua kab yeeb rau ib tsoom niam hlob txiv hlob,niam ntxawm txiv ntxawm,nus tij,nus kwv ua ntsej ua muag xwb ces tus vauv ntawd mam mus pe niam,pe txiv pe tas ib tsoom neej tsa uas tuaj koom rooj mov ntawd ces tas li

Tshoob poj nrauj.

1- ib tug ntxhais mus yuav txiv lawm,txawm tias mus nyob ntev,luv los xij, yog sib nrauj tu taw tag lawm ces muaj npe hu ua poj nrauj no lawm.

2- muaj ib tug txiv neej laus hluas los xij,xav mus yuav tus ntxhais nrauj los ua txij nkawm, yuav tsum npaj tej yam xws li nram no.

= thov ib tug laus neeg los sis ob tug nrog nws mus hais xyuas saib tus ntxhais nrauj ntawd nrog nom tswv nyol los sis niam txiv mus txhiv los nrog niam txiv nyol lawm, los sis nws nyob nws xwb.

=txawm nrog nom tswv nyob los sis nyob hauv niam txiv tsev los ib Yam nkaus,thaum mus txog hauv luag lawm, mus rub kiag ib lub rooj,ces rub tus nom los sis niam txiv los zaum sab pem toj ces sab khob cawv rau nws tes ces mam tsa ncauj hais tias: xav nug koj ua niam ua txiv los sis koj ua hlob Hnov hais tias tus ntxhais hu ua (y) no nrauj lawm no puas muaj tseeb los tsis muaj ? yog tias muaj tseeb yeej nrauj hmab tu hlua pluam tu keeb tu kua lawm tiag no,tus hluas no xav tuaj qaws nws coj mus ua txij nkawm no.

= thaum nó yog luag teb yus tias: tseem hrauj tsis tau tu taw no ces tso tseg kiag, hos yog luag teb tias: nrauj tu taw tas lawm no ces yus rov sab khob cawv rau nws.ces tsa ncauj hais li no: yog li ces muaj lus ua tsaug,hnov ib los zoo lus, muaj lus thov koj pab mus nug niam(tub ntxhais) saib nws puas yeem mus nrog tus hluas nyob ua txij nkawm los tsis yeem yog tias nws ho xyeej kab to thuav kev to tog lawm los tus hluas txawj tuaj los txawj rov,hos yog nws xyeej kab tsis to,kev tsis kawg no tus hluas xav qaws nws mus ua ib ntus neej no.

=thaum luag mus nug tus ntxhais tas ces luag rov los muab lus rau yus: yog luag los hais tias: nws tsis yeem no ces tso tseg kiag tsis hais ntxiv lawm.hos yog luag hais tias: mus cuag tub ntxhais cav tsis tau ib los lus tseem ceeb dab tsi,nws ncauj quas nws c'ev yog tus hluas nrauj nyog tseg qaung los tseg,yog nrauj tsis nyog tseg tsis qaung los nws soj qab taug lw saib xyuas tau no.

=thaum hnov lus li no ces yus teb tias: yog li ces hnov niam ib los zoo lus laud! Ces kom yawg nom los niam txiv kab cawv kiag ces rov sab khob cawv rau nws ces sawv tsees mus pe kiag.cov lus pe hais li no : khwv

koj ua nom ua tswv los sis khwv koj ua niam ua txiv, luag hais tias tav no nws tshuav nuj los tus hluas yuav tuaj ntxiv nws nuj,nws tshuav nqi los tus hluas yuav tuaj ntxiv nws nqi no.

thaum pe tas ces txhob yawg hlob haus cawv.
Kom nws kab khob kiag, ces rov sab khob cawv rau tsa ncauj hais tias: yog li nws ho tshuav nyuag nuj, nyuag nqi li cas ntawm koj ua nom ua tswv,ua niam,ua txiv los koj ho hais los es tav no yawg hluas ho ntxiv rov rau koj kom ib tag ob tag es tus hluas ho tso siab coj tus ntxhais mus ua neej npaj cuab nce yim lawm yav tom ntej. Thaum sib tham li no tas ces yog tshuav nuj nqi li cas los luag yeej yuav hais los xwb , thaum luag kom yus ntxiv li cas ces yus ntxiv rau luag, ces mam li ua ib nyuag plus mov pub rau luag noj ua lub ntsej miag tas ces sau nra los tsev xwb.

=los nyob ib ntus ces mam li coj poj niam mus zeem neej tsa,kev mus zeem neej tsa yuav tsum npaj ib rooj mov nrog ib rawg ntxuag rau tom neej tsa tsev yuav muab li \$200,00 rau niam txiv, muab li \$ 200,00 rau ib tsoom niam lhob txiv hlob,niam ntxawm txiv ntxawm,nus tij nus kwv muab cob rau lawv nyob ntawm lawv sib faib tus tau li cas los yuav li ntawd xwb ces vauv yuav tau mus pe ib leeg ib pes,pe kom txhua tsoom neej tsa huv si.

= hais txog tshoob poj nrauj ces tas li no xwb.

Tsim los ntawm. Tougeu leepalao

Tos niam tais,yawm txiv tuaj tis npe laus(rovrooj)

1- nqa ib hwj cawv mus tom niam tais yawm txiv tsev (tus mus tos niam tais yawm txiv tus twg mus los tau) thaum mus txog tom luag tsev lawm,ces rub ib lub rooj, rub niam txiv los zaum, ce cawv rau luag tes." Ces tsa ncauj hais tias : kuv tuaj no tsis muaj tus lus dab tsi, yog yuav tuaj tos niam txiv mus nrog vauv nyob ib hnub,nraim ib hnub tshav,nkaum ib hnub ntxoo,tsis tas li tseem yuav vam niam thiab txiv mus thoov ib txog kev rau suav daws taug,tis ib lub npe rau suav daws hu thiab no yog txawj ya lub neej ces twb tuaj tos niam txiv yav nram ntej nram ntxov lawm vim ua neej tuaj qab tsag thiaj laug laug los txog hnub no.

=thaum no yog niam txiv teb tias: tsis tau khoom no ces tsum. Hos yog luag teb tias: mus los mu's ntshai ua rau tej me nyuam txhawj xeeb xwb.

= thaum no niam txiv tuaj txog hauv tsev lawm, niam txiv yeej npaj ib tug neeg nrog luag tuaj,tus no hmoob hu ua: tus tshu los tus kig hos tog vauv los yuav tsum npaj ib tug tshu los zaum rooj phim niam txiv tus,thaum no vauv yuav tsum tua ob tug qaib los ua ob phaj ntxuag rau saum rooj rub niam txiv thiab tus kig los zaum ces ce cawv rau luag tes tas muab ib ntig txhuv ib lub qe ib rab riam ib txog hlua rau saum rooj ces tsa ncauj hais tias neb ua niam ua txiv vauv twb tau neb tub neb ntxhais los ua neej tau ntev niaj ntau xyoo lawm yog txawj ua neej ces twb tuaj tos neb ua niam ua txiv tuaj nraim ib hnub tshav los nkaum ib hnub ntxoo lawm vim vauv tsis txawj ua neej thiaj laug laug los txog tav ho, xyoo no ob tug tu tau ib nyuag me nyuam npua luaj tis nas xwb,twb tsis tsim nyog yuav tos niam,tos txiv tuaj los thov niam

txiv zam lub txim thiab txoj hlua npua ces yog txoj no rab riam ces yog rab no.

=**Thaum hais li no tas, ces coj niam txiv mus xyua npua nraum zoov, xyuas tas ces rov los tsev los zaum rooj kiag xwb ces niam txiv tus kig muab nyaij los txais hlua npua, coj nyiaj muab tso rau saum ntim txhuv qe kiag (cov nyiaj tso npaum li cas los tau nyob ntawm yus peev xwm xwb)**

=**vaув yuav tsum tua 0b tug npua: ib tug me yog tis npe, ib tug loj yog tus tua pub niam txiv noj. Txog thaum ua nqaij siav tas ces rub rooj rau,rub niam txiv,rub tus kig los zaum sab pem toj,mam li rub kwv tij neej tsa los zaum kom txhij txhua tas ces mam li pib tus txheej txheem cawv zoo li no.**

- 1- haus tus cawv mus tos niam tais yawm txiv
- 2- haus tus cawv tos niam txiv tuaj txog lawm
- 3- haus tus cawv ceem suav daws ua siab ntev
- 4- haus tus cawv xaiv npe(tsis tau haus tos)

=thaum no vauv tus kig mam sab khob cawv rau niam txiv thiab tus kig hais tias: tav no tos niam txiv tuaj txog, xav thov niam txiv lub yeej koob yeej huam tuaj pab tis ib lub npe rau suav daws hu,pab thoov ib txog kev rau suav daws taug,yog niam txiv tis suav daws thiaj xav hu,niam txiv txawm tis lub zoo li cas los yeej yog koob,yog hmoov. Thaum no niam txiv ua tsaug me ntsis xwb ces tus kig niam txiv muab cawv haus kiag ces rov ce rau tsoom laus neeg saum rooj thoob plaws ces niam

txiv **hais li no** : luag hais tias tej me nyuam vam vam kuv ua niam,ua txiv lub koob hlob los zoo kawg,tab sis kuv ib leeg kuj ua tsis tau,kuv yuav vam khom nej ib tsoom kev txwj laus neeg saum lub rooj no pab kuv xaiv thiab, yog tias peb xaiv tau lub twg ces lub ntawd yog lub uas kuv ua niam,ua txiv nqa tuaj ntag, thaum no suav daws mam sib xaiv saib yuav nyiam lub twg tiag, thaum xaiv tau lub haum siab lawm ces mam li coj tus vauv nrog nws cov kwv tij los pe niam ,pe txiv.

Cov lus pe hais li no : khwv niam,khwv txiv auv ! luag hias tias tos niam tos txiv tuaj thoov ib txog kev rau suav daws taug,tis ib lub npe rau suav daws hu no laud! Tus teb hais tias: sawv lauj! zaum no niam txiv tuaj rhawv ib txog kev rau suav daws taug,tis ib lub npe rau suav daws hu kom hu ua yawg (T.G.L.P.I.) no lauj ! niam txiv tuaj daws mob,daws ntsaj,daws xaiv,daws lus,daws vij,daws swv mus kom tas,txij no mus tseev kom ntxhais vauv tej me tub,me nyuam tsuas muaj ntsib kev noj qab nyob zoo,ua neej huaj vam nroo ntws,kom sawv tsheej nom,tsheej tswv no lauj ! thaum pe tas li no ces rov qab pib kiag ib tug cawv xaiv tau npe lawm haus tus cawv xaiv tau npe tas ces kom suav daws zaum twj ywm txhob sawv.

=thaum no muab cov ntxuag saum rooj tshem kiag nam txhab dua ib cov tshiab los rau ces mam li rov pib luu cawv muaj li no.

- 1- ib tug cawv tua npua pub niam txiv noj.
- 2-ib tug cawv txheeb qhua, cawv sam tsurh.
- 3-ib tug cawv cheem niam txiv pw ib hmds.
- 4-ib tug cawv piam sam cawv muab lus.

=thaum tus cawv piam sam cawv muab lus no mas vauv yuav tsum npaj. Niam ib lub tsho laus, txiv ib lub tsho laus coj los cob rau saum lub rooj cawv kiag, thaum no niam txiv mam ua tsaug. Cov lus ua tsaug **hais li no** : tsaug mog vauv es ! tsis cia li tos niam txiv tuaj twb siv tsiaj,siv txhuv rau niam rau txiv noj haus,tsis tas li tseem tsoos muab tsho rau niam,rau txiv thiab, cuag li tos niam txiv tuaj txhob txhob xeeb tej me nyuam xwb,niam txiv twb tsis muaj ib yam dab tsi tuaj pab tej me nyuam.

Vauv teb tias: tsaug dab tsi tos niam txiv tuaj los twb tsis muaj ib yam dab tsi yuav zoo tsim nyog rau niam txiv, niam,txiv tuaj nyob ua khab,ua khuav li nyob hauv tej mab,tej suav xwb txhob ua tsaug. Thaum no tus kig hauv tsev mam coj niam txiv tus kig mus qhia ces npua rau, ces npua mas koj suav pem nruab tsos nqis hav kom muaj 9 tug tav xwb ces hlais kiag,tu nrho ces phua kiag ib ceg nrog tw rau niam tais yawm txiv (nco ntsoov tseg li 2 ntoos tav cia nrog ces npua) thaum vauv tus kig cob ces npua thiab qaib ntim su,qaib npws poj tas rau niam txiv tus kig lawm, niam txiv tus kig yuav muab 2 ntoos tav uas lawv hlais tseg ntawd cev rau vauv tus kig. Cov khoom ntim su muaj:

(A) 2 tug qaib ntim niam txiv su.

(B) 1 tug qaib npws poj nrog ib hwj cawv,ib hnab mov, ib rab diav coj mus npws poj yawm tom ub.

=Thaum yus cob ces npua cov lus **hais li no**.

luag hais tias tos niam tos txiv tuaj los vauv twb ua lub neej tsis xws luag twb tu tsis tau ib tug tsiaj kom raug ntsej,raug muag, tsuas tos niam txiv tuaj tab tab kaum xwb, lam muab ib nyuag ces luaj li ces nyuag nas rau

niam txiv coj mus ua ib pluag pub rau niam hlob txiv
 hlob,niam ntxawm,txiv ntxawm noj ib pluag hais tias yog
 vauv li no xwb. Ces tus teb hais tias: ua tsaug mog tsis
 cia li twb tos niam txiv tuaj noj,tuaj haus tas, haj tseem
 ntim nqaij,ntim hno ua nra,ua ris rov qab thiab cuag li
 tuaj txhob xeeb tej me nyuam xwb. Thaum cob li no tas
 ces nkawd rov los zaum ces pib tus cawv sawv kev rov
 qab los tsev xwb. Hais txog kev cai rov rooj mas tas li no
 xwb.

= tej no yog peb hmoob kab lis kev cai poj rhawv kab
 yawm rhawv kev,poj ua tseg yawm ua cia rau noob neej
 hmoob nyob lub qab ntuj khwb no cia ua puav pheej
 xwb.

major Tougeu leepalao

Hmoob txoj cai tub,ntxhais sib yuuv.

- 1/- tus tub yuav tsum muaj 18 xyoo rov saum,
- 2/- tus ntxhais yuav tsun muaj 17 xyoo rov saum,
 Thiaj li ua tshoob, ua kos tau raws txoj cai,

= Fab kab tshoob kev kos.

- 1/- Tus txheej txheem kab tshoob kev kos muaj li no
- = Tshoob tog qws,nkauj nraug sib raws mus lawm,
- =Tshoob zawj : mus nqis tsev thov yuav luag ntxhais
- =Tshoob muab: nkauj muam nraug nus ua tshoob,
- =Tshoob poj ntsuam, tshoob poj nrauj,nkauj fa,
- =Tshoob rov rooj: tos niam tais yawm txiv tuaj tis
 npe laus los sis tua npua pub luag noj.

= Fab kab mob kev tuag.

- 2/-Tus txheej txheem kab mob kev tuag muaj li no.
- =npaj thov tub ticig: tus qhuab ke,txiv qeej, kav xwn
 tshwj kab,cuab tsav,niam ua mov duj zeb tuav cos.
- = qhuab ke (taw kev) npaj mus hu hauv qhua.
- =Tshuab zaj qeej tu siav,qeej tsa nees,qeej cob tsiaj
 qeej tshais,qeej sus,qeej hmo, qeej lom sab,lom hmo
 tos kwv tij neej tsa ua kev lom zem rau lub ntees.
- =Hu nkauj : tu siav,su,hmo,hlawv ntawv,tawm nras
- =Hais txiv xaiv: qhib phiaj,txheeb qhua,foom kom
- = tso plig: daws kauj vab, kauj lev pov tseg.
- = ua nyuj dab, npua tais teev tiam poj yawm txwv
 koob raws li hmoob kev ntseeg xwb.

Hmoob txoj kab tshoob kev kos chiv keeb huam yuaj tshwm sim los muaj li no.

1/- dej nyab ntiaj teb neeg tuag tas, tshuav nkauj mim thiab nraug nus nkawd 2 leeg xwb, nkawd mus nug yawm saub tias: noob neej hmoob tuag tas lawm, wb xav sib yuav ua txij nkawm los tsim noob neej no, wb thiaj li tuaj nug koj ua txiv tswv ntuj saib koj yuav hais li cas rau wb ? yawm saub teb tias: neb sib yuav tau ! tab sis neb yuav tau mus kawm txoj kev sib yuav ua txij, ua nkawm tas tso neb mam li los sib yuav mog ! ces nkawd teb tias: yuav mus kawm qhov twg? Leej twg yog tus yuav qhia rau wb ? vim noob neej tuag tas lawm ? yawm saub teb tias; neb mus thov Zaj laug ua tus qhia kuv twb hais rau zaj laug tas lawm.

2/- Ces nkauj mim thiab nraug nus nkawd thiaj mus thov zaj laug qhia txoj kev sib yuav ua txij nkawm, lub sij hawm nkawd mus txog tom zaj laug tsev nkawd mus thov zaj laug tas, zaj laug mam qhia nkawd muaj li no.
 = A. neb kawm kom tau kuv cov zaj tshoob, qeej tshoob
 = B. neb kawm kom tau kuv cov kwv txhiaj tshoob.
 = C. Cov ntaub ntawv sib yuav mas qaib muab ko taw rheeb ntuag tas thiab muab noj ib txhia nqos lawm yog yuav xav paub ces mus muab qaib tua los saib taw , saib tus nplaig qaib thiab muab qaib hu neb plig xwb.
 = D. kuv muab neb 2 tug ntsuj plig zais rau hauv ib lub kaus muab kuv tus ntxhais txoj siv los khi khov kho rau neb nqa mus kom dab noj nyoog haus txias thiab tus tsiaj phem, tus tsiaj tsiv thiaj li tsis pom neb. Ces yawm saub

Thiaj muab lub kaus khi txoj siv ceeb rau nkawd nqa

3/- nkawd thiaj li los hais rau yawm saub tias: wb twb mus kawm txoj kev sib yuav tom zaj laug tas lawm es wb rov los nug koj saib puas sib yuav tau ? yawm saub teb tias: sib yuav tau lawm, tab sis thaum twg neb yug tau me nyuam no coj tuaj rau kuv tis npe thiab qhia txog neb cov me nyuam txoj kev sib yuav yav tom ntej.

4/- nkauj mim thiab nraug nus nkawd yug tau 12 leeg tub 13 tug ntxhais, nkawd thiaj coj mus rau yawm saub tis npe, yawm saub thiaj cov tub tis npe li nram qab no:

- 1/- Xeem lis.....Lis tuam thawj. (Yog Hmoob tij laug)
- 2/- Xeem vaj.....Vaj hwj huaj. (Yog kuab muaj tiv.)
- 3/-Xeem tsab.....tsab kav cai .(yog tsuam kab tob.)
- 4/-Xeem xyooj....xyooj tsa chij. (yog fab tub peeb zeej)
- 5/-Xeem muas....muas tswj hwm.(yog fab pej xeem)
- 6/-Xeem Yaj...Yaj nto moo. (yog fab txawv teb chaws.)
- 7/-Xeem Thoj...thoj tuav ruaj.yog fab liaj teb vam meej
- 8/-Xeem Hawj...hawj xav tau.(yog fab ntaub ntawv)
- 9/-Xeem lauj...lauj yeeb yam.(yog fab yeeb yam tes taw)
- 10/-Xeem Vwj...Vwj xav pab..(yog pab neeg txom nyem)
- 11/-Xeem koo...koo xav hais..(yog fab haub yaum)
- 12/-Xeem phab.. phab kav xwm.(yog tub ceev xwm)
 = thaum muab lawv tis lub xeem nrog lub npe tas li no ces yawm saub thiaj hais tias: tshuav cov ntxhais ces tsuas tis lub npe xwb tsis muaj tis lub xeem cia muab cov ntxhais txis rau cov tub ua poj niam, nws yuav xeem twg ces mus ua xeem ntawd xwb, tab sis muab 12 tug tub yuav 12 tug ntxhais tas tseem tshuav ib tug ntxhais tsis muaj txiv yuav, yawm saub thiaj hais tias

tshuav nws ib leeg xwb, ces kuv muab nws rau ib tug yuav ntxiv. (Yog li no mas txiv neej thiaj yuav tau niam yau, poj niam thiaj yuav tsis tau txiv yau.)

5/- tsam no yawm saub thiaj los cog lus rau 12 tug tub ntawd tseg hais tias: nej noob neej mas muaj tub, muaj ntxhais nej muab lawv sib yuav tau, tab sis nco ntsoov txhob muab nws xeem rov qab yuav nws xeem mog, nws xeem mus yuav lwm xeem xwb, yog noob neej tsis mloog lus es nws xeem rov qab yuav nws xeem mas kuv yuav rau txim kom ntsib kev txom nyem tas mus li xwb.

= hais txog lub hauv paus tshoob kos ntawm peb hais neeg hmoob txoj kev sib yuavmas muaj li hais los no

= txij no mus mas kuv yuav piav txog peb haiv hmoob tus txheej txheem kheeb meej mooj kav moj coj ntawm txoj kev sib yuav ua tshoob, ua kos nrog rau cov Zaj tshoob, kwv txhiaj tshoob qhia rau nej suav daws kawm (tshuav cov qeej tshoob mas kuv tsis tau kawm)

= Tus tshawb fawb yog yawg: Major Tougeu leepalao

Major. Tougeu leepalao.

687 charles ave.st Paul,M.N 55104. H.
995 universty ave, stpaul,MN55104. w.

= Education: 1950 Lao grade school certificate phone savanh province xieng khouang laos.

- = 1953 special guerrilla unit and parachute training camp cap saint Jacque province Saigon south Vietnam.
- = 1960 French grade school certificate xiengkhouang laos.
- = 1963 military cadet school phakhao laos trained to be a military officer.
- = 1966 training in general long cheng laos acted as a technical training staff at long cheng ste 20. A.

= Experience:

- = 1964 Commander in chief. Ban Na Laos. Acted as a coordinator for Zone. 2 A. site 15.
- = 1966 commander in chief saneune laos acted as a coordinator to manage Zone . 12 B. site 184.
- = 1967 chief of training moung cha Laos. responsible for training guerrilla unit and B.O.C.troops at site 113 training camp.
- = 1969 Assistant Director trainer and commander in chief Long cheng Laos. responsible for training and Directing. S.G.U. B.O.C. and MTT. troops at Long cheng training camp center.
- = 1971-75 Commander in chief at Sainthong Laos. managed and Director the B.O.C. for site 20.
- = 1992 present Cultural instructor Hmong cultural center St Paul, MN 55104 teach Hmong cultural,history and language adolescent And adults and provide cultural counseling to Hmong community

Reference: Available upon request.



Major Tougeu leepalao lub neej.

= kuv yug lub: 7/20/30 nyob lu& zos phwv lwj, Toj xeem nas vas, moos hmoob xeev kham (xiengkhouang Laos)
= kuv kawm ntawv los tsuas tiav nqe: P. 3 xeem tau daim: Certificate xyoo 1950 nyob Phonesavanl(Laos)
= xyoo 1953 kuv kawm kev cai ua tub rog hav zoov (special guerrilla unit parachute) nyob nyab laj qab teb lub nroog Capsaint Jacque province in SAIGON south Vietnam) tau 8 lub hlis mam li kawm tiav.
= xyoo 1960 kuv kawm ntawv fab kis tiav nqe: P. 6. thiab xee& tau daim. Certificate. P. 6. nyob xeevkham (xiengkhouang Laos.).
= xyoo 1961 kuv tau txais lub hwj chim tub rog pawg pua (soulieutenant) yog huab tais nplog muab.
= xyoo 1962 kuv mus kawm kev cai ua thawj tswj tub rog pawg pua nyob pham qhom tau 6 hli, kuv tau txais lub hwj chim thawj tswj tub rog yog : (Lieutenant).
= xyoo 1963 kuv mus ua thawj tswj tub rog pawg txhiab nyob: Banna.zon : 2. A. SL. 15 .specialGuerrilla unit and A.D.C.
= xyoo 1965 kuv mus kawm kev cai nyob office staff thiab kev cai tswj hwm tub rog pawg txhiab nyob looj ceeb tiav nrog daim : Certificate. Thiab tau txais lub hwj chim: Captaine (xab khais tob).
= xyoo 1966 kuv ua thawj tswj tub rog pawg txhiab nyob lub nroog moos xuab xeev xas niam. Zon. 12. B.LS. 184. lub roob tuam phwv lis.
= xyoo 1967 General Vang Pao hu kom kuv ua xib hwq qhia tsoom tub rog: S.G.U. and B.O.C. nyob rau lub yeej moos cuab (camptraining center moung Decha. SL. 113. (xieng khouang LAOS).

=xyoo 1969 kuv tau txais lub hwj chim : Commadant (Major) ntawm huab tais los tsuas thiab ua xib hwq qhia: S.G.U... B.O.C...MTT. nyob lub yeej looj ceeb camptraining center longcheng .

=xyoo 1970- 74. kuv ua lwm tswj qhia tub rog nyob rau lub yeej looj ceeb. (I was a vice Director camptraining center long cheng. Xiengkhouang Laos).

=xyoo 1976 kuv tau coj poj niam tub se khiav tawn lub teb chaws los tsuas mus rau lub yeej thoj nam noom ahais thaib teb vim nyob tsis taus los tsuas teb lawm.

= xyoo 1978 kuv tau ua neeg thoj nam mus rau fab kieb (French) nyob lub zos lav nyis. (Lagny Paris)

= xyoo 1982 kuv tau thoj nam mus nyob lub zos Kas kos xeev kis yas nas. (Guyane fraucaise- French Guiana)

=xyoo : 9/9/89 kuv tau thoj nam mus rau America.usa mus nyob lub zos . Saint Paul, Minnesota.

= xyoo: 4/23/ 1991 kuv tau txais daim npay ntsuab nyob America teb lawm. (greencard)

= xyoo 1993 kuv tau txais lis pom zoo los ntawm 18 xeem hmoob nyob Minnesta kom kuv ua tus xib hwq tshawb fawb qhia hmoob kab lis kev cai, kev cai lij cho xws li: mooj kav, moj coj, moj yam, moj yeeg quav lw mooj keeb cag ko khaws cia ua hmoob puav pheej.

= xyoo : 4/ 30 / 1998 kuv mus xeem tau daim ntawv txia ua neeg American lawm.

Commadant. Tougeu leepalao



HMONG CULTURAL CENTER, INC.

Koom Haum Hmoob Kab Lis Kev Cai
995 University Avenue West - Suite 214, Saint Paul, Minnesota 55104
Phone (651) 917-9937, Fax (651) 917-9978, Web: www.hmongcenter.org



Rat.nas. 1



Cow.nyuj. 2




Tiger.tsov. 3



Rabbit.luav. 4



the Boar: 12



the Dog: 11



the Cock: 10



monkey: 9



the sheep: 8



Horse: 7



Dragon.zaz. 5



Snake.nab. 6



Lub 12 hlis ntuj nqig tas,
lub 1 hlis ntuj xiab 1 tuaj
yog Hmoob Lub Yyoo Tshiab,
muaj kev lom zem tso cai rau
tej tub ntxhais sib sau ua txij
nkawm tau raws li tus kab
tshoob kev kos.

The end of December, starting January 1 is the Hmong New Year. There is lots of celebration and it is a time for young men and young women to meet each and court each other. Many young couple also get marry during the Hmong New Year.